

Član 12.

Ovlašćuje se Komisija za propise i Statut da sačini prečišćeni tekst Odluke o dodjeli na korištenje poslovnih prostora i visini i načinu plaćanja zakupnine za poslovne prostore na kojima pravo raspolaganja ima Općina Stari Grad Sarajevo.

Broj 02-49-586/05
novembar 2005. godine
Sarajevo

Predsjedavajući
Općinskog vijeća
Stari Grad Sarajevo
dr. sc. **Rizah Avdić**, s. r.

Na osnovu člana 21. stavova 3. i 4, a u vezi sa članom 9. stav 5. Zakona o održavanju zajedničkih dijelova zgrada i upravljanju zgradama ("Službene novine Kantona Sarajevo", broj 21/04), člana 29. Zakona o lokalnoj samoupravi - Prečišćeni tekst ("Službene novine Kantona Sarajevo", broj 22/00), te člana 25. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), Općinsko vijeće Stari Grad Sarajevo, na 11. sjednici održanoj dana 23. novembra 2005. godine, donijelo je

ODLUKU**O NAČINU IZVRŠENJA HITNIH INTERVENCIJA
NA ZGRADAMA**

Član 1.

Ovom Odlukom utvrđuje se način izvršenja hitnih intervencija na zajedničkim dijelovima stambenih i stambeno-poslovnih zgrada na području općine Stari Grad Sarajevo (u daljnjem tekstu: Općina).

Član 2.

Zajednički dijelovi zgrada određeni su u članu 4. Zakona o održavanju zajedničkih dijelova zgrada i upravljanju zgradama ("Službene novine Kantona Sarajevo", broj 21/04).

Član 3.

Hitne intervencije obuhvataju radove na zajedničkim dijelovima zgrada kojima se otklanja neposredna opasnost po živote građana.

Nalog za hitnu intervenciju izdaje općinska građevinska inspekcija i to sačinjavanjem zapisnika na licu mjesta kojim će konstatovati da se u konkretnom slučaju radi o intervencijama iz stava 1. ovog člana.

Član 4.

Sredstva za izvršenje hitnih intervencija obezbjeđuju se u Budžetu Općine.

Član 5.

Upravitelji zgrada na području Općine dužni su, općinskoj građevinskoj inspekciji i općinskoj službi nadležnoj za stambene poslove, dostaviti plan izvođenja radova na hitnim intervencijama.

Član 6.

Plan radova sadrži predračun radova i rok za njihovo izvršenje.

Član 7.

Na osnovu plana radova i prijedloga općinske građevinske inspekcije i općinske službe nadležne za stambene poslove, općinski načelnik odobrava sredstva za izvođenje radova na hitnim intervencijama.

Član 8.

Za realizaciju radova na pojedinačnoj hitnoj intervenciji iz Plana hitnih intervencija zadužen je upravitelj zgrade.

Član 9.

Kontrolu realizacije i prijem radova na hitnoj intervenciji izvršit će upravitelj zgrade i predstavnik Općine koga odredi općinski načelnik i o istom sačiniti zapisnik i izvještaj.

Najkasnije u roku od 10 dana od završetka radova navedeni izvještaj se dostavlja općinskoj službi za stambene poslove.

Član 10.

Posebne evidencije izvršenih radova na realizaciji hitnih intervencija obavlja općinska služba nadležna za stambene poslove.

Član 11.

O načinu izvršavanja odredaba ove Odluke podносит će se izvještaj Općinskom vijeću, najmanje jednom u šest mjeseci.

Član 12.

Ova Odluka stupa na snagu danom objavljivanja u "Službenim novinama Kantona Sarajevo".

Broj 02-49-572/05
23. novembra 2005. godine
Sarajevo

Predsjedavajući
Općinskog vijeća
Stari Grad Sarajevo
dr. sc. **Rizah Avdić**, s. r.

Na osnovu člana 5. stavova 1. i 5. Zakona o lokalnoj samoupravi - Prečišćeni tekst ("Službene novine Kantona Sarajevo", broj 22/00) i članova 9. i 25. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), Općinsko vijeće Stari Grad Sarajevo, na sjednici održanoj 23. novembra 2005. godine, donijelo je

ODLUKU**O UPOTREBI GRBA I IMENA OPĆINE STARI GRAD
SARAJEVO**

I - OSNOVNE ODREDBE

Član 1.

Ovom Odlukom određuju se uslovi i način odobravanja upotrebe grba i imena Općine Stari Grad Sarajevo (u daljnjem tekstu: Općina) i propisuje način evidentiranja izdatih odobrenja za upotrebu grba i imena Općine.

II - UPOTREBA GRBA I IMENA OPĆINE

Član 2.

Upotreba grba može se odobriti za unošenje u zaštićeni žig privrednih društava, javnih preduzeća, ustanova, javnih ustanova i drugih pravnih lica, u smislu propisa o robnim i uslužnim žigovima.

Član 3.

Upotreba grba kao nezaštićenog znaka može se odobriti subjektima iz prethodnog člana i udruženjima, radi isticanja grba na službenim vozilima, reklamnim panoima, prospektima i drugim propagandnim materijalima.

Član 4.

Upotreba imena Općine može se odobriti subjektima iz članova 2. i 3. ove Odluke radi unošenja u naziv pravnog lica i naziv proizvoda.

Član 5.

Pravna lica, kojima se odobri upotreba grba, odnosno imena Općine, obavezna su doprinostiti afirmaciji Općine, obilježavanju i očuvanju identiteta Općine kao jezgra otpora i odbrane, te zaštititi i očuvati gospodarskog, urbanističkog i graditeljskog nasljeđa koncentrisanog na užem području Općine.

Član 6.

Postupak po zahtjevima za upotrebu grba i imena Općine vodi služba nadležna za privredu.

Uz zahtjev kojim se traži odobrenje za upotrebu grba i imena Općine obavezno se prilaže tehnički opis kao i obrazloženje u kojem se pobliže navodi svrha i način upotrebe grba i imena Općine.

Općinsko vijeće, u skladu sa odredbama ove Odluke, može odobriti upotrebu grba i imena Općine ako ocijeni da je to u interesu Općine.

Član 7.

Podnosilac zahtjeva obavezan je priložiti akte koji se odnose na njegov rad i djelatnost.

Član 8.

U rješenju kojim se odobrava upotreba grba i imena Općine, određuje se rok važnosti tog rješenja i utvrđuju ograničenja upotrebe grba i imena Općine.

Član 9.

Rješenje iz prethodnog člana može se opozvati kada pravno lice svojom djelatnošću ili na drugi način šteti ugledu Općine, odnosno kada grb ili ime Općine upotrebljava protivno odredbama člana 5. ove Odluke.

Član 10.

Za upotrebu grba i imena Općine pravna lica su dužna plaćati godišnju naknadu u skladu sa kriterijima definisanim u članu 11. ove Odluke.

Visina i način plaćanja naknade i drugi uslovi za upotrebu grba i imena Općine utvrđuju se rješenjem kojim se odobrava upotreba grba i imena Općine.

Izuzetno, naknadu iz prethodnog člana ne plaćaju pravna lica koja su korisnici budžetskih sredstava Općine ili obavljaju djelatnost koja je od posebnog interesa za Općinu, a što utvrđuje Općinsko vijeće.

Član 11.

Osnovni kriterij za plaćanje godišnje naknade za upotrebu grba i imena Općine za pravna lica koji nisu korisnici budžetskih sredstava je broj uposlenika:

- do 5 uposlenika 500,00 KM
- od 5 do 15 uposlenika 1.000,00 KM
- preko 15 uposlenika 2.000,00 KM

Član 12.

O donesenim rješenjima vodi se posebna evidencija koju vodi služba nadležna za privredu.

Evidencija sadrži naziv pravnog lica, broj i datum rješenja, rok važnosti rješenja i broj i datum rješenja kojim je opozvano rješenje o upotrebi grba i imena Općine.

III - ZAVRŠNE ODREDBE

Član 13.

Ova Odluka stupa na snagu danom objavljivanja na oglasnoj tabli Općine, a naknadno će se objaviti u "Službenim novinama Kantona Sarajevo".

Broj 02-49-592/05
novembar 2005. godine
Sarajevo

Predsjedavajući
Općinskog vijeća
Stari Grad Sarajevo
dr. sc. **Rizah Avdić**, s. r.

Na osnovu člana 1.10 Izbornog zakona Bosne i Hercegovine ("Službeni glasnik BiH", broj 23/01, 7/02, 9/02, 20/02, 25/02, 4/04 20/04 i 25/05) i člana 25. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), Općinsko vijeće Stari Grad Sarajevo, na 11. sjednici održanoj 23. novembra 2005. godine donijelo je

ODLUKU

O PRESTANKU MANDATA VIJEĆNIKA U
OPĆINSKOM VIJEĆU STARI GRAD SARAJEVO

I

Vijećniku Općinskog vijeća Stari Grad Sarajevo, SABAHUDINU RESIĆU, prestaje mandat, zbog smrti.

II

Ova Odluka stupa na snagu odmah i bit će objavljena u "Službenim novinama Kantona Sarajevo".

Broj 02-49-551/05
novembar 2005. godine
Sarajevo

Predsjedavajući
Općinskog vijeća
Stari Grad Sarajevo
dr. sc. **Rizah Avdić**, s. r.

Na osnovu člana 25. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), članova 2. i 3. Odluke o stalnim radnim tijelima Općinskog vijeća Stari Grad Sarajevo ("Službene novine Kantona Sarajevo", broj 21/05), Općinsko vijeće Stari Grad Sarajevo, na 11. sjednici, održanoj 23. novembra 2005. godine, donijelo je

RJEŠENJE

O RAZRJEŠENJU I IMENOVANJU PREDSJEDNIKA I
ČLANA KOMISIJE ZA URBANI RAZVOJ I
EKOLOGIJU

I

U Komisiji za urbani razvoj i ekologiju razrješavaju se:

1. FEHIM ŠKALJIĆ - dužnosti predsjednika Komisije,
2. TATJANA LJUJIĆ - MIJATOVIĆ - dužnosti člana Komisije,

a imenuju se:

1. AHMED MAŠIĆ - za predsjednika Komisije
2. DRAGICA PEČENKOVIĆ - za člana Komisije

II

Ovo rješenje objaviti u "Službenim novinama Kantona Sarajevo".

Broj 02-49-557/05
novembar 2005. godine
Sarajevo

Predsjedavajući
Općinskog vijeća
Stari Grad Sarajevo
dr. sc. **Rizah Avdić**, s. r.

Na osnovu člana 25. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), članova 2. i 3. Odluke o stalnim radnim tijelima Općinskog vijeća Stari Grad Sarajevo ("Službene novine Kantona Sarajevo", broj 21/05), Općinsko vijeće Stari Grad Sarajevo, na 11. sjednici, održanoj 23. novembra 2005. godine, donijelo je

RJEŠENJE

O RAZRJEŠENJU ČLANA KOMISIJE ZA SPORT I
FIZIČKU KULTURU

I

U Komisiji za sport i fizičku kulturu razrješava se:

1. FADIL KADIĆ- dužnosti člana Komisije